

隨

山

館

猥

稟

隴山館猥藁卷之八

山陰 汪 琬 玉泉

詩辛

戊寅人日用壬申元日韻 以下戊寅

細數三春日過來五日春 初三日 看花容老子把酒趁

立春

靈辰椒醕外無事草堂中有人題詩杜陵叟吟思此時
新

正月九日雨中鏡塘招集烟澗樓 樓臨 至暮移

珠江

尊河魴二首

略有斜川興高樓喜見招烏裘禁雨霰朱檻壓江潮風
峭花能耐寒多酒易消移尊向何許留得木蘭橈

西舫銀箏度東風繡幕遮歌聲多近水鐙影不離花老
漸忘春事間應念歲華白頭吾自笑促坐聽琵琶

早春感興

時陰寒連月廣韶兩郡屬邑方以災歉議蠲振

不見東風桃李繁何時春氣入郊原千邨煙火悲中澤
兩月風霾接上元公讌有期冠蓋鬧街彈無事管絃喧
野夫對酒方行樂慚愧樊川作罪言

老農歎

嶺外從來少冰雪冬月不寒春驟熱邇來地氣忽變遷
去年凜冽連今年老農流涕爲客言冬月至如今百日許
夜足冰霜晝風雨土脈拏斂膏不肥山芋無苗地瓜苦
土人呼番薯爲地瓜
遇寒則瘠經霜則苦
去年夏潦隴畝荒秋生蜚騰禾苗
傷饘粥之計惟雜糧
土人呼薯蕷之屬爲雜糧今復如此何所望典
衣買穀輸縣倉身上今餘單布裳老農語客聲嗚咽客
謂老農莫饒舌豈不聞昨日春讌公府中華簪翁施裘
蒙茸皆言寒重能殺蟲今年必主年穀豐私憂過計作
爾語老不解事真邛農吁嗟乎老不解事真邛農

市樓題壁

咸豐間嘗與朋輩劇飲於此

當年意氣劇飛騰
華髮重來感不勝
撫事但餘三太息
論才直愧百無能
黃金骨冷燕臺駿
白雪毛摧楚澤鷹
當時同集諸人如
眉君仲容季英伯
眉皆久歿矣
此日倚闌如夢寐
卅年湖海老陳登

二月七日夜雨枕上口占

被角輕寒側側生
依稀街鼓報三更
燈昏小閣搖春夢
蟲聚空廊答雨聲
意爲惜花增展轉
愁如中酒欠分明
韶光未晚餘芳在

往時春初花事已盛今年寒雨而月牡丹近甫拆苞耳

尙擬名

園載酒行

絕句

北郭看山雲漠漠東風吹雨晝沈沈
戟門車馬柴門屐同試春泥幾許深

頤園小集分體成六言一章

綺筵未妨卜夜畫檻猶可移春花引倩兮一笑月窺粲

者三人綠鬢一疊再疊

亦作紅牙一曲兩曲

藍尾三巡五巡老我

已無佳句那堪題上羅巾

久雨

九旬春已三旬過十日天無一日晴溪岸畫低江燕影
水邨陰接雨鳩聲分秧時過寒猶重戴笠人間野未耕
差喜閉關無客到庭除處處碧苔生

夢中作

千樹桃花萬楊柳柳外樓臺花下酒春風吹花落酒中
酒波搖碧花搖紅畫廊幾曲隨香徑十二屏山春掩映
柳絲斜曳小闌東一片夕陽紅不定

初晴過東園

水閣經時掩風廊向午晴柳低梢燕影花暖聚蟲聲曲

徑青泥滑閒衫白，袷輕無人見來往。有鶴共閒行。

新晴過篠園閒眺

三日雨膏足，一園新綠生。林鳩啼向午，池柳媚初晴。酒盞經時闊，詩篇率意成。楚夫方病起，頗復念春耕。

旅愁十六韻

多病勞人事，荒年入旅愁。感時增慨息，閱世任沈浮。朋舊多黃土，年華易白頭。少陵朝看鏡，王粲暮登樓。已倦江湖興，仍懷幽畝憂。中原須錢鏹，絕域尙戈矛。秦晉饑頻告，羌戎戰未休。征西兵革日，直北

帝王州政豈殊懸鐸時方仗運籌奇才或巖壑本計在
田疇榆塞覘歸騎桃林待放牛昇平知不遠衰老更何
求便擬隨禽向奚煩薦馬周龍門慵請謁蠹簡喜冥搜
涕淚三知己事見中州集生涯一釣舟清時箕穎在蹤迹可
巢由

四月二十一日晝雨

當晝忽然暝橫風何處來乍涼蠲白葛幾日熟黃梅海
氣兼天溼雷聲劃地迴斑枝綠底事黯淡越王臺

今春木棉

著花
甚稀

銀河

璧月當心夜銀河絡角秋涼應分白露夢亦隔紅樓葉
落金欄怨花敲鏡檻愁聘錢償未得慙媿說牽牛

六月十一日同人招集粵秀山道院

巖扃近人境扶病一登臨紅荔此時熟白雲何處深坐
來孤鶴睡語罷古松陰亦足清煩暑寥寥清磬音

納涼戲作

蕉本新移竹舊栽竹南蕉北小軒開坐中力盡蒲葵扇
不及微風偶一來

九月六日偕鄭玉山茂才權過學海堂

一徑入松翠松門風爲開晚花低傍石秋井黯生苔有

約題餽近相期載酒來阮公祠下路何似越王臺

阮文達公

祠在堂後

虛谷書來以山居相勸箴言可佩事力未充惟

有愧歎而已賦寄二首

平生徒復懷真隱名字何緣署散人竹館有圖摩詰老
草堂無地杜陵貧看山北郭攜筇杖漉酒東籬仗葛巾
清福得君分一半故鄉終擬結比鄰

衰病從知百不宜漢濱抱甕足吾師壯游五嶽應無及
老學三農或未遲閉戶尙思成海錄裁書未肯乞山貲
暮年果有幽棲分祇作田園襍興詩

寄胡衡齋大令

鑑時大令
于役湖州

遠道思君一悵然計程應過鱣溪邊人經榕葉蠻邨路
書到梅花小雪天行役光陰驚久宦他鄉風物逼殘年
旅囊檢點知無幾好與詩瓢共一肩

冬夜作

魚鱗萬瓦霜棱逼落木蕭騷試風力中天寒月照旌旗

海島邊城同一色封侯萬里夢不成老矣勿復思功名
鄰雞夜半忽爭唱安用此時聞此聲

憶昔

憶昔珠龔夜初寒翠被新微雲將入夢細雨亦如春坐
久銙花笑妝殘壁月眞卅年纔一瞥忽忽記前塵

述懷十二韻

并序

鄙人生於道光之初於時嶺表無事先君子挈家客
游瓌以童稚侍左右歲時宴饗初不知飢寒兵革爲何
事也瓌年十三禁煙之事起未幾而烽塵瀕洞世事益

以做生計日以艱辭家遠游衣食奔走其間居園城歷
軍壘涉風濤犯瘴癘如此者二十餘年至同治間大亂
削平幸覩

中興之盛而憂勞摧抑之餘體弱多病無復功名之志
矣比年以來頗思閉戶讀書指心纂述顧山資不足家
食未能虛願之償不知何日寒宵獨坐偶憶數十年來
所閱之境率成長律一章亦勞者之歌云爾

心事千秋冷功名一葉輕頗能安寂寞聊復溯生平少
日簪衣食中年遘甲兵波濤窮海過霧雨瘴鄉行奇險

羊腸道長圍獸角城川西杜陵老趙北魯連生多難更
人事無慘閱世情耽吟憎命達垂老幸時清客盡嘲揚
子游真倦長卿談天收俊辨畫地謝虛名潁水瓢猶在
豐城劍不鳴農書如可讀惟願學躬耕

述夢

有序

道光庚戌冬客游高涼夜宿電白行館館在一小邨外
與塘鋪鄰後倚亂山庭中皆大樹入夜風聲刁騷寐不
能寐欲爲一詩亦不能就去今迨三十年矣夜來夢中
恍惚曩境因成小詩識之

憶宿郵亭夜蕭寒意不勝犬噪荒戍月鼠瞰破窗燈事
過光陰換年衰感慨增無端追往昔夢境記吾曾

贈余藥田

壽宏

卽書其所作抱香詞後

戎馬關山鍊此才冰花曾共筆花開將軍卽世詞人老

還抱孤琴度嶺來

藥田嘗受知於崇樸山將軍崇公
歿於奉天藥田南歸遂游嶺表

密寫珍珠字字工如啼秋碧笑春紅都將半世飄零恨

併入鸞牋象管中

聞調綠綺譜紅情妙語誰知白石生惆悵松陵橋十四

更無人聽玉簫聲

中有
本事

亦復言愁始欲愁銷魂人隔小紅樓天涯吹冷蘋洲篴

衰柳旗亭一例秋

君自題旗亭秋餞圖金縷曲云不信秋風幾日吹得垂楊都瘦旗亭笛

譜余詞彙舊名也

十二月二十一日午坐穀莽風日和煦已有春

意

東風作意催春來膽瓶不凍黃梅開游蠶欲出隔窗紙
卻與香影相裴回歲闌閉戶少人事翠墨紅牋小遊戲
眞行草篆與八分都作宜春帖中字瓦檐日暖天氣和
浮蛆小酌顏微酡此中頗復有佳趣寒意不多春意多

元日喜晴用壬申韻

以下已卯

吹散東風雨催成北戶春

正月十四日立春

居然見晴日況復

值端辰商略尋芳處招邀選勝人珠江雙槳穩宜趁綠
波新

立春日曉起坐穀菴作

石盆種雅蒜磁斗供蜜梅東風作微煖一夜參差開晨
光入室客初起已有三兩游蜂來輕冰乍化硯池水小
炷尙暖銅鑪灰欣然一笑覺春意不辭卯飲傾深杯是
時五劇盛車馬政爾十丈飛塵埃語人若道此間樂定

復拊掌爭嘲詼豈知老去愛閒靜頗厭簫鼓聲如雷能
如吾意卽佳耳必較物論何爲哉晴光正見碧空淨和
氣自逐青陽回大釣元化本無間何妨斗室觀埏埴

觀劇戲成

噉嘈鼓篳亂歌塵驟弄年來變態新莫問金元舊時曲
登場孤旦亦無人

題釣渭圖

海濱一老鬚皤然豈期闕散相周旋當時不遇後車載
一竿甘老磻溪煙蓑壻可爲魚可釣一尺玉璫光照耀

潁濱嚴瀨是何人先後相看不同調

立春後三日作

紫晃玻璃日青開玳瑁天晴光連大地和氣溢新年嶺
海春原早雲霞曙更鮮因之識元化花柳共欣然

獵夫謠

獵夫挾弓矢出門見狐狸發矢洞腋負以歸路人語獵
夫胡舍豺狼爲豺狼與虎狎狐狸亦相依一朝幸舍去
吾乃引弓而射之獵夫誠大黠狐狸誠大癡從來城社
有憑藉柰何輒與豺狼離狐狸語獵夫事尙未可知不

見豺狼逐猛虎此時尙在南山嬉

和虛谷雜詩六首

叔子何如故伎曼倩翻羨侏儒物論鼠肝變化世情駝
背模黏

東郭先生不見南州孺子何人買駿故須論直好龍豈
必求真

不肯上書光範且須貰酒新豐韓愈未妨貧賤常何大
是英雄

灑衣有薔薇露贈客惟荔枝圖浪說琴能伴鶴可應鏡

不逃狐

三十六年宰相萬八千戶通侯長安第宅新主建業衣冠古邱

午橋賓客非昔甲第池臺易平回首一場春夢驚心四壁秋聲

詠騷自肇慶歸偕至酒家小飲

莫惜旗亭費酒錢天涯小別幾經年懷人數聽連江雨
出峽纔看下瀨船白髮光陰皆老矣綠尊談笑一欣然
可堪重憶圍城日玉貌當時魯仲連

溥臣和余觀劇詩有今昔之感率意次韻復得

四首

依舊句欄柳色新春風如夢雨如塵鸞笙象管都零落

丁卯橋邊不見人

道光中廣州多戲園許霞橋孝廉嘗結詩社賦觀劇詞復置酒怡園邀同

社諸君讌集俛雲癰載之桐陰清話以爲美談卅年來風流雲散而怡園亦久廢矣

紫笛聲涼白髮新卻從湖海逐緇塵蓬飄萍合尋常事

轉爲歡場惜此人

雲癰近以事去粵比聞已至閩中

記唱洪郎一曲新淩波羅襪不生塵公孫劍器歌行在

無復當筵點筆人

杜萊君有洪郎曲爲小伶信兒作也淩波一語卽用萊君詩意

回首歌場幾度新珍珠爲粉玉爲塵雪叢老去風懷減
略記青樓集裏人

道光中小伶如信兒輩不下十許人
色藝皆有可觀近皆不知流落何所

夏日雜詩六首

水漾簾紋翠地深選詞合唱夏初臨巴苴不大簪簪少
一例閒庭有綠陰

三日愁霖半日晴竹籬門外小池平尋常一覺藤牀睡
無奈鄰娃打鴨聲

又見珠江競渡舟鼓聲旗影滿中流廿年前事人能說

午日笙歌袖海樓

樓在廣州城南前臨珠江番禺許氏別業也

阮公祠下路縈紆講舍人稀老樹疏忽記荔枝詩百首

廣州全盛道光初

阮文達公祠在學海堂後公嘗以荔枝詞課士譚玉生學博瑩賦絕句百

首爲公所賞詩今載學海堂初集

蟻王乞食何恩怨鸚母傳言有是非半晌白荷花畔立

午風如水上生衣

儘拋蒲扇試茶甌疏雨纔過暑已收不用桐階看落葉

一分涼是一分秋

六月二十一日立秋

趙叔由

庚生

以先世谷林先生三十六鷗草堂

圖見示奉題三首

此亦鷗波館猶傳鹿砦圖夫容三十六解憶舊盟無

雜詠爭傳南宋名流舊住西泠休問溪山罨畫尙傳翰
墨丹青

寄語文孫好護持畫圖一卷百篇詩乾隆諸老揮毫日

正是人文極盛時

圖中題句多出乾隆
初鴻博諸公之手

夏日齋中卽事

青天萬里青白雲一峯白長空了無翳日影遠相射中
庭乏嘉樹晃耀到几席飛光一照眼流汗遂盈脊呼童
下簾帷趺坐散巾幘移時息羣動稍稍意清適平生未

知道寒燠隨境易慙媿飲冰人同茲受形役

六月二十二日作

前一日立秋

青苔未改色黃葉初無聲如何夕陰起坐覺秋氣生寒
暄自來去時序隨之更去亦不可畱來亦不待迎吾生
夙多感胃氣未易平邇者若有會嗒然學無情時境所
感觸猶復心怲怲念此輒自媿學道何由成獨行高樹
下靜聽疏蟬鳴漸知暑當退聊遣中懷清

六月二十七日使院西齋偶書

榕陰屋三間盡日少人至斜照入空廊蒼苔寫秋意

秋夜山響樓聽章生

汝南琴

山館夜將半客來攜玉琴顧余拂瑤軫謂此宜山林一
彈碧雲合再鼓蒼松陰髣髴七絃中能見太古心平生
不識曲豈辨古與今但愧牙曠聰敢問韶護音石泉響
北牖巖月殫西岑朱絃一以歇青嶂窅然深

讀書

性不耐枯坐有暇卽讀書盤桓斗室中晨夕相依於客
來顧之笑卷帙盈坐隅笑謂子老矣讀此何爲歟世人
競佔畢四庫供佃漁文章耀鸞鳳箋註矜蟲魚吾意異

於此聊用以自娛英賢千載上與之同起居山川八埏
外攝之入室廬世閒諸樂事視此當何如少不事科舉
弗向場屋趨老不事著述弗望名山儲聊用適吾意未
嘗爲所拘一笑謹謝客吾殆真書愚

秋初使院西齋作四首

深院更無人到虛廊時有風來一聲兩聲桐葉三處五
處莓苔

幽篁漸消殘暑疏雨已作新涼飯罷一甌苦茗睡時七
尺匡牀

三杯時復中聖一榻聊堪小眠
欹枕蕭蕭竹雨垂簾漠漠茶烟

室似維摩十笏閣無宏景三層
一笑戟門殘客三生塢院間僧

晚過東園

青梧葉小初落白藕花涼尙開
人立空亭斜照蟬聲已送秋來

偶行邨落間因書所見

青鞵不厭路縈紆但覺蕭寒味
有餘斜日人家楓葉下

微霜天氣菊花初秋成里巷多乘屋冬學兒童競挾書
省識歲豐田舍樂年來真擬卜村居

讀放翁秋風亭拜寇萊公遺像詩書其後

政爾微時蠟作堆宦成無地起樓臺

王漁洋語

豪華冷淡皆

閒事祇是澶淵要此才

敝裘

有序

羊裘余舊物也皮厚毛稀偶一衣之如被鐵甲讀吳穀
人祭酒敝裘補綴十斤重壓倒詩人山字肩之句爲之
啞然雖然二十餘年奔走道路冰霜風雪之境皆此裘

所共歷者其能忽然乎是不可以無詩

檢點蒙茸有所思卅年情況爾能知山邨黃葉衝寒路
水驛青篷聽雨時捐棄空箱應不忍追陪短褐亦何辭
一竿若許充漁隱猶可嚴灘作釣師

寒夜

霜華撲簾風有棱蠟紙破碎搖一鐙繙書手僵夜將半
硯水欲冰猶未冰做裘獨擁不能寐柝聲犬聲遠相次
奚童衣滿茗鑪灰頭觸屏風正鼾睡

先立春三日雷

十二月二十一日

忽起三冬蟄能教百里驚
人疑歲序海國變春聲急
訝金蠅掣遙同玉虎鳴
未須占號令天意自分明

立春後陰雨浹旬排悶戲作

以下庚辰

春陰四合春寒生
欲雨不雨晴不晴
樓臺漠漠烟十里
輿蓋喧喧泥一城
響竹比鄰攜笑語
賣花深巷畚歌聲
旅人閉戶幸無事
惟祝瀛壖長太平

有感四首

拂拭吳鉤讀楚騷
儘教輓迹溷蓬蒿
天多風雨春如病
人倦關河夢亦勞
垂老自宜親藥石
長貧未肯重錢刀

縱教百尺樓頭住已覺元龍氣不豪

戎馬江湖老此身青袍如舊白頭新龍泉小小能知我
狗曲尋常解笑人文字障深難學佛性靈詩在或通神
世間併少桓宣武齒冷當年入幕賓

鳳泊鸞飄未易論春風終憶舊巢痕斷無奇士來東閣
大有詩人詠北門徐邸上書言可媿楚筵設醴語空存
浣花溪上諸侯客菜把猶叨地主恩

飄蕭白髮傲滄洲坐對浮雲笑不休西海驂騑無道路
南柯螻蟻足公侯漢家故事星槎遠魯國臚言漆室憂

穎水箕山在人世

清時還擬作巢由

送魏升如游擊拔之新置二首有序

升如於咸豐初出塞不得音問者垂二十年客秋從烏里雅蘇臺軍中請急歸省居數月復治裝西行余與王仲皆卅年前舊交也各賦詩送之

出塞三萬里辭家十九年歸來驚歲月回望足風煙慈母衰遲日窮荒蒼莽天勞勞定何事還著祖生鞭

此去西陲路還應與昔同平沙千帳月古戍一旗風保

塞前朝事防邊上將功難難麟閣畫期爾勿怱怱

再送升如二首

受恩深處此身輕結束重爲絕塞行紅柳萬株旗一色
春光遙指漢家營

幾日西征出玉關幾程南路接天山輕刀快馬行何處
應在孤雲落照間

春寒出郭

重陰市野水平池間過溪橋意自遲吉貝花明雪墨墨
鵝鳩聲急雨絲絲一尊寄賞應無地二月尋芳已過時

花事盛於春初花朝
後彌望皆綠陰矣
扶杖歸來翻失笑餘寒贏得布裘知

雨夜示玉仲二首

昏燈照壁屋如舟半落檐花雨未休
過卻清明餘十日春寒還戀木棉裘

卅載江湖兩鬢絲旅人蹤迹故人知
竹梢蘆葉瀕陽峽記得低篷聽雨時

齋居漫興

撫署西偏老屋數楹在幽篁叢木中殊不類官舍也

茶煙出簾罅春晝自冥冥
薜荔青半壁木棉紅一庭日

長供客睡地僻少人經時有幽禽語還從竹外聽

寒雨江漲

孟夏望日作

南紀已云夏北風何太寒障雲連嶺嶠霧海足波瀾頗
懼禾苗損休令蕙草殘蘭臺五行志老眼倦尋看

積雨

積雨柴門掩都無一客來書囊侵白醭琴几上青苔江
水無時漲雲颿幾日回所憂非旅食心折澤鴻哀

郊行

連絲五旬雨幸此三日晴日澹人意閒偶作郊原行前

却後却煙高田下水何處鷓鴣聲烏雲四山起

次韻張端卿楷觀弈四首

清簟疎簾意自閑未須身入爛柯山生平不識棋中正
眼冷升沈九品間

自詡當機妙入神西南風急語成瞋傍觀僂說原無謂
此事何關局外人

幾度沈吟落子遲用心深處畏人知祇愁決戰鴻溝日
未是成功虎穴時

用劉夢得
觀棊歌意

文楸冷玉興無涯覆局纔完日已斜風定石牀人去後

一枰黃雪落松花

夏日齋居

自安藤榻試茶甌
眾綠盈庭暑易收
密竹垂梢陰欲雨
老榕落葉氣如秋
加餐慣飫雙弓米
高卧渾忘百尺樓
未免南柯螻蟻笑
生平無夢到公侯

雜詩四首

鳳凰暗高岡
夜聽鴟鴞鳴
騏驎困危坡
日逐鴛鴦行
陽春耀松柏
樗櫟同其榮
空谷紛芝蘭
蓬艾偕之生
人亦不能辨
已亦不自明
恩恩百年內
持此將何成
仰天看

白日日薄浮雲征嗟哉一介士邈矣千載名

西風動萬里秋氣蒼然來端居忽不樂薄暮登朝臺左
眺南雲浮右眄西日積霸圖久銷歇遺迹空蒿萊商聲
激宇宙懷抱無時閒不知感何事但覺中心哀陸生弗
可見遙酌酒一杯爲我問古人何以多奇才

礪壑生長松連叢見殊異蕭條梁棟姿沈鬱廊廟器匠
石終不來蒼然閱年歲柯葉無變更根株自深邃凡材
有先容真識良不易何如偶樗櫟精華得終祕白日隱
光輝青雲謝標致萬古空山中冰霜足奇氣

冉冉日西邁滔滔水東流徂年與之俱一往不復畱俗
士多所營計慮密以周但存萬一冀龜勉弗自休世間
富若貴欲以智力求不知往古來頗復有此不化機所
潛運得失皆有由花開大地春木落寥天秋奈何百歲
客動作千載謀

結交行

白者璧黃者金結交結面不結心青天晦冥白日陰大
海之水猶未深山可平石可轉星辰萬古光不變天中
有月兩心見結交結心不結面海水何茫茫星辰白云

高霜禽夜警求其曹麟鳳雖獨處不與鷹犬交萬物有
族類慎爾漆與膠君不見橘化枳荃爲茅古賢於此多
憂勞

送雲堦歸山陰二首

鄉關道遠三千里客邸交逾二十年惜別自嗟吾老矣
得歸重爲汝欣然雪深賀監湖邊屋雲暗梅銷嶺外天
今日離情他日夢桃花潭水剡溪船

玉帳軍麾玉壁城論交壯歲氣縱橫

咸豐初與雲堦游
韶州同居園城中

十閱月

分曹共賭東堂射命酒如塵北府兵往事卽今疑

夢寐故鄉從此樂昇平結鄰得遂當年約是處湖山足
耦耕

秋陰六言

似煙非煙庭院欲雨不雨池臺夕照乍明黃葉涼痕微
漬青苔懷人酒夢初醒畱客鑪香未灰一桁模糊簾影
誤教蝙蝠飛來

秋風歎二首

有序

中宵不寐寒聲四起外鑠中感發爲短章夫詩於此時
其能有曠朗之詞恬佚之志哉九月五日漏三下

江城夜半風怒號呼噏眾竅爲波濤滄溟咫尺若可見
蛟龍憤怒魚龍逃旅人聞此心鬱陶攬衣出戶向天立
太白欲動蒼烟高

烏皮曲几流塵黑一卷陰符在其側破窗紙裂風蕭蕭
短檠作花有奇色旅人掩戶三歎息萬籟到耳皆秋聲
我雖欲眠安可得

秋晚偕玉仲過學海堂

入門見秋色斜日下疏林竹密山齋暗苔荒石徑深此
中宜小坐有客共微吟風雅懷前輩寥寥正始音

早寒

北戶殊中夏南人訝早寒熟知楓葉老祇惜桂花殘旌
旆蒼山急齋鹽白屋難新來足聞見慨息亦無端

間眺

桐帽櫟鞵稱野夫意行不假小童扶舍南倚杖渾無事
飽看浮雲萬變圖

采蓮曲

槳牙搖碧吹衣香牽雲曳玉嬌六郎吳娃艇子有鞦迹
密葉纖莖知短長衝波采花怨花少一寸愁心玉絲裊

可憐三十六陂風粉墜秋痕綠房小

送人游燕

送子燕南去金臺夕照黃遙持一尊酒爲我酌昭王

讀唐人詩率成絕句四首

一代文章一輩才騷壇風會若爲開江河萬古當時體
消息原從漢魏來

撼樹癡兒太可憐杜陵皮骨兩茫然不須更說連城壁
識似微之亦自賢

翰墨聲名一日中鯉庭鸞掖語恩恩可應長慶詩千首

不及楊郎七字工

解勸錢王討賊臣釣船幾度淚霑巾

羅隱聞僖宗幸蜀作偶懷詩四首末

二句云不將不侯何計是釣魚船上淚闌干

李唐末季孤忠在未是長安及

第人

寒夜不寐戲成

衰遲偏少睡街櫺報三更夜久篝燈暗天寒布被輕蕭
然忘蝶夢老矣負雞聲笑謝牀頭劍年來意氣平

隨山館猥稟卷之八終

隨山館猥藁卷九

山陰 汪 琬

詩王

元日效梁陳體

以下辛巳

風光逢上日雲物紀中天
南雲多五色東風又一年
簾承日采翦勝鬪春妍
索共紅梅笑吟思發花前

嶺南早春多陰雨今年元旦風日晴美是可喜

也二首

春風吹徧越王城東望紅輪海上生
侵曉開門聞好語

今年元旦十分晴

春城曙色上高牙
霽景平分百萬家
映出蔚藍天一片
海東雲日海西霞

農人使院西齋卽事成詠用壬申元旦韻

老作諸侯客
晴看小院春
樹應忘甲子

庭有老榕數百年物也
花

亦喜丁辰蓬累徒爲爾
桃符欲笑人冠裳軒蓋地一土
布裘新

入春以來風日暄美適嬰微疾遊賞闕如戲成

小詩自遣

坐惜風光好扶筇倦不支
早衰拋酒令小極負花時
香街梅如雪鄰家柳欲絲
商量春九十遊賞未應遲

春日偶成效劍南體

漸覺餘寒取次消已過鐙夕
近花朝春來別院分先後
人擁殘書共宋膠陰茵無根
經雨大垂楊有態倚風驕
鄰家日日聞操縵何事朱絃
總未調

長相思

并序

數日來重陰不雨薄寒中人
慨然賦此用寄遐想樂府
音節夙所未嫻顧漢人樂府
往往通首三言而太白賦

此題亦間以三字爲句故今之所作三言成章後世樂府雖沿往製之名無與審音之事率以意造識者當無譏焉耳辛巳花朝前三日

野茫茫雲沈沈日無色天多陰我所思在江潯別不久思則深白蘋岸青楓林長相思愁人心

胡蝶舞

戲效長吉體示端卿

飛塵撲午春風驕晴光眩轉花魂搖猩簾不捲蜃窗揜十二青樓何處簫少年錦裘不知煖罷酒心疑日光短東鄰胡蝶西鄰飛抱日嬌郎歸未歸

春夜枕上戲成

小樓風雨夜漫漫布被蒙頭未覺寒博得年年春睡穩
生平無夢到槐安

贈潘伯時大令

貞敏

時君以試吏復來廣州

彈指三年別驚心兩鬢蒼此才猶薄宦相見復他鄉夕

夢鄱陽道

君寄家饒州

春寒越井岡好尋循吏傳消息慰高

堂

春陰作寒賦此遣興

閒庭竹樹綠交加頗惜餘寒損物華徑窄偏饒傍出筇

風多如妒早開花焚香畱客垂書幌沽酒挑錢響畫叉
願祝春晴過社日燕泥蠶蜜各成家

聽雨有感四首

并序

鄙人少壯旅遊餘三十年山郵水驛中數爲風雨所苦
舟行則荒江野岸黃蘆苦竹之與爲周旋也陸行則空
郊絕壑青林密菁之莫知止宿也憂勞驚悸殆不可一
二數然爾時意氣方壯不之悔也至同治戊辰一病之
後體氣頓弱始漸以跋涉爲苦比年客廣州使院因卜
一廬于越秀山之麓稍息舟輿登頓之勞而精力則已

衰矣今日雨窗獨坐竹樹蕭颯聞聲感觸率成小詩嗟
夫持此詩以示細旃廣廈之人彼亦安知世有此境哉
光緒辛巳三月五日

幾度山程與水程星餐煙語足生平白頭嘗徧江湖味
纔向茅齋聽雨聲

疲飢津梁卅載中山行愁雨水愁風此聲記得聽來慣
青竹編輿白篋篷

浪高曾泊荒江岸路暗還尋楚老家今日閉門嗟老矣
關心猶有小庭花

檢點殘衫舊酒痕
倦遊心緒不堪論
可能老作邨夫子
細風斜風不出門

暮春出北郭至下塘邨肆小飲

曲折依山路迷濛
釀雨天春陰圍積水
野色界孤煙荒店
曾題壁新醅不論錢
爲農非易事間語憶區田

下塘有李

翁者畧識字以力田致中人產咸豐間余治先君子
葬事屢過其家間詢以區田之法翁言昔嘗試之較其
所獲亦未能遠勝縵田特不畏旱耳廣州
多水田不煩區種也其言如此不知信否

盆松

盤曲根株古蒼涼
歲月深幽人同一慨
遠勢鬱千尋塵

土辭無日冰霜老此心論材非世用何處碧山岑

和蘭臺戶部遊絲四首

翠陌飛花紫陌塵一般飄泊不勝春儘饒抱日吹煙態
曾是牽雲曳雪身丁字簾櫳尋有路午晴庭院悄無人
幾回窈窕窗前見小隔明紗認未真

看到斜陽意可憐晴空低裏一痕煙誤人眼倦生花纈
笑汝身輕讓柳絲網戶飄來珠絡索香風扶上畫鞦韆
春深橫路偏無賴賦就蘭成已惘然

一縷柔情弱不支幾人隱語託相思檐低紫燕初飛處

日煖青蟲乍蛻時有底春光須攬結無多風力費禁持
纏絲意緒句畱慣雨細紅牆欲度遲

遠紫樓角近檐牙裊裊低垂故故斜到處飄零依落蘂
片時明滅誤空花人經柳市吟鞭細客對茶煙旅鬢華
南國西秦重回首風光流轉幾天涯

過陸氏故園有感示玉仲秋丞

并序

玉仲近移居城西其地故駐防官廨也道光中余嫺陸
香巖大使雲以數百千賃得之闢廨西隙地爲園池樹
花竹頗有疏塋之致余與朋輩往往觴詠其中迄今甫

逾卅年陸旣卒官園已廢爲蔬圃雜花老樹翦伐殆盡
所廩存者綵簷數百竿菡萏一二晦而已辛巳夏日偶
訪玉仲於是追憶疇昔友朋文酒之樂爲慨然者久之
輒成此詩用述所感玉仲今居此而秋丞昔之同遊者
也詩成因以示之

卅載流光指一彈琴尊陳迹再尋難卜居幸得籠鵝客

玉仲姓
王氏

感舊全荒闌鴨闌露墜粉紅還映水林深瀟碧

自生寒主人莫訝經過數池上花多要借看

夏日齋居

茅齋僅十笏庭次交綠陰石徑不數折輻篁使之深客
來宋無言煙縷飄水沈西窗忽斜日隔竹嘒幽禽

隨山館坐雨

時小極甫瘳

越王臺下雨翻盆陸賈城邊水氣昏
蠻徼風聲連海國腐儒生事任乾坤
江深孰見龍鼉戲壑暗還愁虎豹屯
藥裏書籤料理在敢辭湫隘託衡門

六月十二日王仲招同陳蘭甫學錄益特摩花
池館小集遲朗山學博不至

荔枝香雜藕花香池北相從共一觴
在竹陰中宜小坐

有蟬聲處自生涼
亭軒樹近分濃綠
杖履人來各老蒼
底事比鄰陳正字
扁舟孤泛水雲鄉

雨中曉起坐穀菴作

小庭寬不逾兩尋
雖有雜樹無濃陰
朝來一雨送涼意
疏簾忽暗虛堂深
年衰漸怯南交暑
每苦炎歊揜蓬戶
何由卜築水西亭
竹響荷香坐聽雨

初秋

巷陌涼生近午風
井闌葉葉下梧桐
天涯試覓秋來處
祇在微雲澹日中

懷玉仲
于役瓊管月餘不得書

南望珠厓郡何時尺素來波濤窮海壯風雨早秋哀薄

宦艱生事清時重吏才相期慎眠食小緩掌中杯

玉仲嗜酒

嘗因之致疾
所當戒也

讀徐青藤集二首

王李聲名盛一時別裁應自寸心知春郊鉦鼓喧厓甚

儘把山邨短笛吹

身世無聊筆有神千秋奇氣自嶙峋如何薜蘿胡宗憲

長揖軍門誤此人

曉至小庭微開蘭氣披葉尋視已開數花而余
未之知也移盆室中慰以小詩且志吾過

虛讀靈均賦幽花共一廬芬芳原不改欣賞已殊疏影
澹秋簾下香生夕露餘當階今尙爾空谷定何如

閏七月十四夜作

碧霄初皎潔銀漢亦分明忽訝風聲急回看月暈生蝦
蟆庸敢蝕烏鵲自相驚頗念扶胥口波濤未易平

八月二十一日作

中秋已過重陽來四序相嬲無衰回謂言庭桂已璀璨

治穡的的行當開豈知殘暑未退舍竟與長夏爭恢台
田泥暎乾暴赤日城野瀕洞飛黃埃耕農揮汗迭呀喘
輿馬觸熱方喧厯寒暄變動固無盡天意幽遠何由推
我時對案罷尊酒靜驗窗塵日彌厚蒲葵在握苦無功
火氣鬱蒸嗟已久便恐狂飈發西陸將令嘉穗偃南晦
鼓戴況聞未衰止私闕居然結曹偶新來消息動盈耳
豈免私憂屢搔首吁嗟乎燮調元氣人任之旅客悲吟
亦何有

次日大風

旅客行吟吟未已天半滃然黑雲起大風忽自西南來
如挾巨鼉翻海水聲狂直恐搖八荒勢遠應知越千里
我昔居田間諺語徵老農南田不憂旱但畏霜降風今
年西潦幸不至頗有野老占年豐得逾旬日卽大有柰
何造物無全功嶺南有田多舄鹵惟恃和甘足倉庾政
事由來能感召陰陽詎應忘廡煦漢庭三策論天人箕
範九疇驗暘雨何緣箕伯奮威權忍使邊氓坐愁苦我
聞李學士

文田

昨告張尚書

櫟聲

今年杭稻皆早實雖

有風旱終無虞海壖風雨固常事私憂過計何其愚吁

嗟乎風果不裁歲不惡謂吾大愚吾亦樂

廣州夏秋間熱甚則風而

八九月之交稻方作花畏風尤甚數日來秋暑酷烈頗有憂此者學士謂督部張公云田間稻已結實雖大風無害矣公昨以語余今日風勢乃如此竊冀學士之言不虛也

秋夜

低幔昏鐙客無睡高城急柝寒相聞庭梧落葉感秋晚
露鶴作聲知夜分老學衣魚蝕故紙靜憐銅鴨畱餘熏
幽居遙夕復何事擁鼻微吟聊復云

重九日偕玉仲介香晚登越秀山

并序

余與二君約九日登粵秀山是日使院適有急檄屬草

訖始與偕行登眺裴回日已西下至家則黝黑矣余山野之性以疏放爲樂顧牽於塵事山林只尺動成間阻况欲爲向禽五嶽之遊乎坡公遊金焦山賦有田不歸之詩章紱所拘猶有說也余羈旅謀食之士亦無能自拔於塵壒能無令人齒冷哉慨然賦詩以志媿也

茱萸欲插鬢全斑難覓浮生半日間佳節無端感搖落貧交有約步孱顏空林風急欺烏帽斜日人來負碧山經歲芒鞋纔一到黃花應訝此翁頑

熱

十月猶絺綌茅檐暑未闌南人亦相訝北陸不知寒日
短邨墟靜風高隴畝乾無田吾自媿未識歲功難

都肄行

并序

廣州旗緣各營冬初考肄火器之聲殷闐相接僕少壯
時出入軍旅耳飮此聲久矣晚際昇平乃得閉戶聽之
因賦此詩以自幸也

火機驟發爭旬旬魍魎逖走山慘驚從來士卒須服習
夷吾有言爲武經都團黑雲礎赤星蠶根結隙無畱行
金蛇掣電天爲笑玉虎撼山冬亦鳴腐儒昔居獸角城

火攻下策安知兵

咸豐初在韶州圍城中嘗以火箭焚賊船

垂老喜見烽塵

清聞此尙爾心忤忤我聞山中有田號雷鳴苟能得之
可躬耕旅人何由副茲願卻理錢鋪從邨氓歲時欣然
側兩耳比鄰響竹喧春聲

初冬頗暄率爾成詠

閉戶不聞軍將撾槿籬竹援似山家盆池碧淺一二寸
梅萼紅含三兩花缸面酒香間泛蠟案頭墨煖儘塗雅
飯餘試展涪翁集俊味居然雙井椀

冬夜不寐戲成

庭樹蕭颯窗紙鳴朔風夜來如許聲
鑪熏裊裊餘一縷街鼓沈沈連五更
客帳封侯久無夢壁燈照人如有情
向來晏起過非一得睡從敎檐日明

冬日寄潘伯時大令時方于役海上

天末企芳訊滄波深復深其詩多海色之子有冬心
皎夢古時月移情何處琴梅花不見雪歲晚一沈吟

嶺南少雪

故云

蘭臺惠寄研光牋云是乾隆間潘邸所製也賦

詩爲謝

長安尺書緘乍啟中有硃光百番紙花紋纈纈見心匠
玉色平勻妙膚理翦裁未忍界烏絲製作如聞出朱耶
懸購千金昔尙難流傳百載今餘幾故人得此從京師
憶我南中充贈遺我今詞翰日逾下縱收楮繭將何施
卷藏什襲別有意此意耿耿君當知文房小品亦精絕
想見乾隆全盛時

冬夜覓酒不得戲成小詩

梅影月中夜橙香天小寒何緣一尊酒此際得來難

立春日曉起卽目

十二月十六日

春來不知處忽已到天涯初日照茅屋老梅無數花

歲晚過東園

不到東園漫二年一尋陳迹一悵然獨來曲徑無人處
況是連陰不雨天老樹苔枯疑化石廢池草合自生煙
舊題詩在西廊角認取塵封半幅箋

十二月十八夜作

身世仲宣羈旅日文章杜牧學言餘布衣豈有匡時畧
老屋寒衾夢著書

贈周副將鳳山

寶馬紫游繮歸來百戰場功名疑夢寐感慨極蒼茫
語三遺矢餘生半段槍白頭逢舊卒閒話立斜陽

歲除日閱花市

廣州地煖花事盛於杪冬
戲賦小詩爲歲華紀麗

煖借三冬日香飛十丈塵羣芳爭入市殘臘已如春異

種頻年見

諸花多來自海外

名園幾處新鼠姑還聘得笑我未

全貧

元日用辛巳韻

是日微陰

以下壬午

風煖元正日雲低近海天羣情希霽景私意祝豐年響
竹遙相應堂花亦自妍祇憐纖草色綠徧越臺前

送玉仲宰陵水

試官逾十年得邑纔百里治所連瘴雲修程越海水傷
觀或難遷我獨爲君喜才猷出艱難昔賢類如此往者
先大夫卓然古君子分符守瓊堯歌頌今未已君復官
於斯所當趾厥燬儒以道得民學而優則仕胸中所讀
書循吏足遺軌慎毋慕聲華自可求上理故人此贈言
古誼思竊比蒼茫託心期意重語忘鄙德驥折坂勞神
鷹凜秋起萬里無留行勗哉自茲始

二月二日過篠園

入門見新綠一笑蹋莎行微雨三兩點幽禽四五聲春光無近遠天氣乍陰晴何似花田路香塵處處生

春感

簫聲吹煖午晴天靜覺風光倍可憐花倚春濃爭一笑柳如人倦欲三眠青袍作客慚同學紫陌尋芳讓少年載酒江湖今老矣鬢絲怊悵杜樊川

南中春耕忌夜雨以氣寒損禾也今春雨多以夜而氣候甚暄老農謂爲年豐之兆喜而賦詩
塹老茅檐下相逢笑語歡如聞連夜雨不作早春寒旅

食應無慮豐年已有端南風吹隴畝行插稻花看

初夏病起穀菴坐雨

庭樹淨如沐鉗花幽可看虛齋人起病積雨夏生寒攤飯藤牀輒添衣葛帔單莓苔最無賴綠過石闌干

長夏卽事戲成

小廊回合疏簾垂步履意行亭午時池萍乍開水搖也
說文徑竹忽響風撓之百枚荔堆赤韎鞬八尺簟展黃流離野夫眠食幸無恙門轍淺深吾敢知

次韻仲仁感懷之作

亦復何心作解嘲行藏翻似芥舟膠殘編黯黯書三寫
幽夢茫茫易六爻抵掌平生輕策士知心終古屬貧交
文章經濟憚無賴遲我深山共結茅

三月十九夜夢中作此詩不知所謂醒後追記
僅忘數字輒補成之

不解離騷怨語多綠蕓其柰紫蘭何模黏珠翠丁星影
錯雜箏琶子夜歌終古玉輪無定相異時銀浦有微波
寶帚珠襖吾曾見未勝春衫葉葉羅

苦熱戲成短歌

長空火雲赤曠野風沙黃炎官之繖日日張我處斗室
中汗出如流漿夜不成寐心彷徨卜居無由傷泉石遄
暑忽復思林塘安得一茅亭蕭然水中央四圍綠竹密
無縫一頃白荷時有香我於其間置匡牀片時午夢皆
清涼吁嗟乎南風吹人正塵土先生此願何時償

初秋二首

殘暑逡巡退新涼取次生風廊墮枯葉先自作秋聲
雲淡不成雨林疏微有風幽人感秋氣祇在夕陰中

雨後閒眺戲成

長空急雨過斜日透林明雲作爛銀色雷餘溼鼓聲從
敎變涼燠未用卜陰晴祇喜滿塍綠田黿時一鳴

七月十三夜與秋丞庭次看月憮然有作

庭梧寫影石闌東靜覺秋生一葉中此後定知明月好
今宵喜與故人同尋思逐隊荷衣日幾度追涼竹院風
光景不殊身世老夜闌相對惜惓惓

古意與王子展郡丞

存善

叢蘭生階庭花葉紛葳蕤一旦時序改秋風將敗之豈
無荆棘侵未免蓬艾嗤國香日以歇紉佩將何施雪霜

九畹積雨露三春遲當門或見鉏空谷何由知芬芳逼
人惡嫩好來眾訾由來非一端慨矣離騷辭

太白詩云齊有倜儻生魯連特高妙明月出海
底一朝開光曜卻秦振英聲後世仰末照所以
稱魯連者至矣輒衍其意更成此詩

畏秦因媚秦握齕良可鄙雄談折機牙實賴天下士氣
陵西時雲聲動東海水異哉倜儻生節概乃如此平原
卻千金聊城飛一矢舉世共嗟稱固其餘事耳

漫書

八月南中暑未收
慣拋午睡泥茶甌
西風不作梧桐雨
祇送蟬聲一片秋

夜坐

黃葉得秋早
青鐙知夜分
微涼潛自引
虛籟靜猶聞
清切餅笮響
霏微香篆痕
端居耐寥閨
卽事亦多欣

夜過東園

竹徑無人苔印深
青溪行傍古牆陰
拳煙老鶴有奇骨
弔月涼蛩多苦心

秋旱

秋郊日日西南風風吹曠野飛枯蓬南方從古號卑溼
何意一旱憂三農火逼商金作秋暑高田下田化乾土
井泉涸竭亦有由春夏已無三日雨李春以來未嘗連雨三日老農
涕泣吁可哀山雲乍合還復開何由喚起淵龍睡真見
羣飛石燕來

作詩後越旬不雨暑熱轉增慨然於懷聊復短
述

秋深迄無雨殘暑來逼人風日益燥烈城郭飛黃塵執
熱成疾歎乾苦農民天意誠難知造物豈不仁腐儒

託遊旅聞見徒酸辛本非康濟才況乃居賤貧獨飽良
可恥憂懷未由申側耳甘澤謠溝猶嗟此身

九月十六夜作

河澹秋無影星搖夜有芒風聲驕歲旱海氣逼宵涼謠
俗詞依隱占經事渺茫藐然嗟旅食徒爾祝豐穰

大風驟寒

九月二十三日

朔吹夜中發曉來寒意深漸應消瘴癘從可烈山林日
澹荒年色霜嚴造物心榛菅足狐兔風跡亟須尋

入冬已旬日矣風日暄然無寒意亦無雨意因

復賦此聊以寫憂不自知其辭之繁複也

春夏無快雨秋冬還久晴嘉禾苦蕉萃惡草翻句萌燥
金逞餘氣烈日搖光晶嚴霜不時下荆棘紛縱橫小園
劣半畝蕪蕪無人行我欲躬鋤治力薄嗟無成慨然弃
之去日暮開柴荆羣峯正蒼翠不見雲氣生宋漠窮巷
中歸來意屏營古苔斂暝色枯葉占風聲見聞竟如此
感憤何時平

得玉仲陵水書卻寄

作令窮荒耐懷人遠夢勞北風猶瘴癘南紀足波濤道

阻書難達詩來語尙豪時以秋懷詩見寄可能忘結習不飲讀
離騷

十二月十三日作

殘冬晴日意暄然不遣輕寒到酒邊氣脈潛回栽麥地
光陰豫借養花天飯餘隱几疑春醉詩罷添香欲晝眠
應是東風能解事儘催紅紫趁新年

庭次紅梅盛開

玉女紅霞帔瓊粧絳雪丹霞明微有影雪豔不知寒茜
裏攀應怯燕脂畫轉難茅檐自春色不假傍朱闌

旬日暄煖望雨不得率成小詩遣懷時立春前

十日

南人夙有言冬煖雨卽至居南數十年所見無少異今年入冬後日日朝陽頽氣候多嚴寒無怪天久晴邇來十許日午風忽暄燠頗訝土脈融苔痕見微綠謂言卽當雨卽日雨不來山雲有時合俄頃還復開造化固難知寒暄亦無定毗陰與毗陽所慮有偏勝久晴及甚雨物理相乘除不知明年春雨暘復何如月令四民書田家五行志傷人當見嘲何與腐儒事

寒雨 立春後一日

雲擁越王臺山光黯不開城陰垂野重江雨逐春來酒
借深尊煖花煩疊鼓催陽和有消息天遣幾時回

次日曉晴

和氣居然一夜回朝曦紅上屋山來老梅清瘦小桃媚
應趁東風先後開

隨山館猥稟卷之九終